



UNIVERSITÄTS-
BIBLIOTHEK
PADERBORN

Das Märterbuch

Gierach, Erich

Berlin, 1928

61. (13. Aug.) Hippolytus

[urn:nbn:de:hbz:466:1-66991](https://nbn-resolving.org/urn:nbn:de:hbz:466:1-66991)

und enthaupt in an der stat.
 von danne wart er nicht ge-
 tragen,
 er wart alda begrabenn.
 16430 Da man hort von wunder
 sagen,
 was zaichen wurd dapey den
 tagen
 und noch geschehent ane czal.
 das wir der sele val

mit seinenn gnaden uber
 werdenn,
 16435 daz wir verdienenn daz auf der
 erden,
 daz wir chomen mit frewden
 dahin
 da er mit Got wil ymmer sin,
 des gynn uns Jesus Christus
 und helf uns sant Tyburcius.
 Amenn.

[149^{ra}]

61. Von sand Ypolito.

16440 Do Ypolitus het geleit
 Laurencium, das wart gesait
 dem chaiser andenn stunden.
 die ritter in gepündenn
 fürten zehof do.
 16445 Decius sprach lachünd so:
 'pistu auch ein checzer wordenn
 und hastü lazzen unsern
 ordenn?'
 Ypolitus sprach ander frist:
 'ich glaub ann Jesum Christ,
 16450 zü dem hann ich zuversicht.
 ich pin chain checzer nicht.'
 Decio dem verlornn
 was die red swer und czornn,
 und hiez in mit chnüteln slann.
 16455 lang und vil das wart getann.

die sleg er willichleich vertrüg
 und die weil man in slüg,
 dankchet er Got von himel-
 reich,
 der in geladet het czü sich.
 16460 darnach Decius der verlornn
 hiez in slahen mit vil dornn,
 so daz daz plüt weiten rann:
 daz erparmet weib und mann.
 Nach der grozzenn arbeits
 16465 wart er wider schonn gechlait
 in ritterleich gewant.
 [149^{rb}] der chaiser sprach czü im
 zehant:
 'bedenkch dein ritterschaft
 und unser gesellschafft,
 16470 dastü uns lieb pist gewesenn,

16427 B, fehlt C.
 16428. dannen B.
 16430. da von hort B.
 16431. wurd da] geschach B.
 16434. ubrig B.
 16435. daz fehlt B.
 16436. mit fr. chomē B.
 16438. helf B.
 16439. Vnd sein marterer T. B.
 In C noch (rot): Darnach hebt sich
 ann von sand Ypolito.
 61. B 193^{ra}—193^{va}; folgt in B unmittelbar
 auf 59. Laurentius.

16443. begunden B.
 16444. Furen B. F. in C.
 16445. lachent spr. B. sa (:da) B.
 16446. auch fehlt B.
 16447. hast l. B. uns^s C.
 16449. ann fehlt B.
 16453. swer und fehlt B.
 16457. weil B, fehlt C.
 16459. het geladen B.
 16461. vil] scharffen B.
 16462. ein daz fehlt B.
 16467. czü im fehlt B.
 16468. die B.

- oder ich laz dich nicht ge-
nesenn!
- Ypolitus sprach alzehant:
'ich hann mich an Got gewant
und mein ritterschaft ist
16475 das ich dienn Jesu Christ.'
die red was czornn Decio
und sprach zü Valeriano:
'sein güt und alle sein hab
von uns dir hab
16480 und tött in gar schentleich!'
Nicht lenger sawmt er sich,
der laidig Valeriann,
er cham zehant gegann
in Ypoliti haus czü hant.
16485 darinn er armer leüt vil vant
und sein amme Cordiann:
die er al zehant nam
und hiez sy mit gayseln slann,
daz sy müst ir lebenn lann.
16490 Ypolitus sprach ander frist:
'lob sey dir, Jesu Christ,
dastu mein amme hast für
gesant
mit marter inder engel lant!'
do er daz gesprochen hat,
16495 er hiez in furen aus der stat
[149^{va}] mit allem seinem gesinde.
der richter vil swinde
schuef mit einer slichte,
daz mann zu Ypolito gesichte
- 16500 sein gesind enthaubten solde;
damit er in schrekchen wolde,
ober in mocht peraubenn
damit seins gelaubenn.
da wurden enthaubt sünder
wann
16505 newnczehen weib und mann.
Des dankchet Ypolitus alles
Got.
Valeriann in do gepot
zü zwain rossen pindenn
mit panden vil swinden.
16510 darnach die vil laiden zagenn
begünden die willigen roz jagen
durch stokch und durch staine,
durch dorn, daz sein gepaine
wart gar des fleisches par
16515 und seine lid zeprasten gar.
sus nam er sein ende.
Justina die genende,
die got lieb und czam,
begrüb denn werden leichnam
16520 mit fleiz ander selben stet.
daz uns helf sein gepet,
das wir auch chomen da hin
da sy hin chomenn sin,
des schullen wir getrawen in;
16525 sy zaigenn uns ir gütte schin,
[149^{vb}] daz sy uns pringenn dar
indie himelischen schar!
Amenn.

16480. tött in gar] tut im B.
16482. leide B.
16483. zehant CB nicht ursprünglich.
16485. vil armer vant B.
16486. l. Concordiam wie B.
16487. alzehant B, alle z. C.
16494. het (: stet) B.
16495. Es h. sy B.
16497. swinde B, Sinde C.
16499. zu B, fehlt C.
16501. erschrekchen B.

16510. vil fehlt B.
16511. willigen fehlt B, l. wilden?
16512. und fehlt B.
16513. Das alles sein g. B.
16515. zerprachē B.
16518. Vnd die gots zam B.
16519. werden B, fehlt C.
16522. auch fehlt B.
16524.25 fehlen B.
16527. Zu der B.